



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini broj: 02-04-21805-40.1/21, utvrđen Zaključkom Vlade Kantona Sarajevo broj: 02-04-21805-40/21 od 20.05.2021.godine, o b j a v l j u j e:

**JAVNI POZIV NEZAPOSLENIM OSOBAMA SA STATUSOM ŠEHIDSKE
PORODICE I PORODICE POGINULIH BORACA - BRANITELJA
DA SE PRIJAVE ZA UČEŠĆE U PROGRAMU SUFINANSIRANJA
SAMOZAPOŠLJAVANJA**

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2021. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe sa statusom šehidske porodice i porodice poginulih boraca - branitelja da se prijave za učešće u Programu sufinansiranja samozapošljavanja šehidskih porodica i porodica poginulih boraca - branitelja.

Cilj Programa sufinansiranja samozapošljavanja šehidskih porodica i porodica poginulih boraca - branitelja (u daljem tekstu: Program) je kraće trajanje nezaposlenosti članova šehidskih porodica i porodica poginulih boraca - branitelja i stimulisanje njihovog samozapošljavanja.

U Programu pravo učešća imaju nezaposlene osobe sa statusom šehidske porodice i porodice poginulih boraca - branitelja (roditelji, bračni partner i djeca), prijavljeni na evidenciju nezaposlenih u Kantonu Sarajevo prije objave javnog poziva za ovaj program, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.

II

Planirana sredstva za ove namjene iznose 150.000,00 KM, a cilj je samozapošljavanje 15 nezaposlenih osoba iz ciljne grupe.

Služba će nezaposlenim osobama iz ciljne skupine koje budu obuhvaćene Programom i registruju samostalnu djelatnost, na ime troškova registracije djelatnosti doznačiti sredstva u iznosu od 400,00 KM, te mjesečno, u trajanju od 12 mjeseci, refundirati sredstva u mjesečnom iznosu od 800,00 KM, za isplatu plaća i uplatu zakonom propisanih poreza i doprinosa.

III

Nezaposlene osobe iz ciljne skupine koje žele učestvovati u Programu dužne su podnijeti:

1. aplikaciju na propisanom obrazcu sa navedenim osnovnim elementima samozapošljavanja (aplikacija se može preuzeti u Odjeljenju za podsticajne mjere

zapošljavanja u ulici Đoke Mazalića 3, kancelarija br.15/I ili sa web stranice www.szks.ba),

2. Izjavu ovjerenu kod općinskog organa ili notara, a koja je sastavni dio aplikacije,
3. obaveznu formu poslovnog projekta, propisanu od strane Službe,
4. dokaz o pripadnosti šehidskoj porodici ili porodici poginulog borca – branitelja,
5. aplikanti koji žele da registruju poljoprivrednu djelatnost, dužni su priložiti potvrdu da imaju registrovano poljoprivredno gazdinstvo.

IV

Programom se neće sufinansirati osnivanje udruženja i fondacija kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.

V

Prilikom vrednovanja aplikacija prednost će imati aplikanti koji su duže na evidenciji nezaposleni, aplikanti koji će registrovati proizvodnu, turističku ili djelatnost iz IT sektora, te društvo sa ograničenom odgovornošću (d.o.o.).

Kod istog broja bodova, prednost se daje aplikantu koji je duže vrijeme na evidenciji nezaposlenih.

VI

Javni poziv ostaje otvoren do 08.06.2021.godine

Nepotpuni i neblagovremeni zahtjevi neće se uzeti u razmatranje.

VII

Rezultati ovog javnog poziva biće objavljeni na web stranici Službe.

VIII

Služba će sa nezaposlenim osobama iz ciljne skupine koje budu obuhvaćene Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.

Rok za realizaciju Programa je 18 mjeseci od dana usvajanja liste nezaposlenih osoba iz ciljne skupine kojima je odobreno učešće u Programu.

IX

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, sa napomenom: „Za Program sufinansiranja samozapošljavanja šehidskih porodica i porodica poginulih boraca – branitelja“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-082.

